

Memperkasa bahasa sastera dan budaya

UNIVERSITI Putra Malaysia (UPM) baru-baru ini telah menganjurkan persidangan *Malaysia International Conference on Languages, Literatures and Cultures* (MICOLLAC) 2014 bagi meluaskan jaringan hubungan antara universiti dengan pakar dari luar negara dalam mengantarabangsakan program pendidikan tingginya.

Ini dinyatakan oleh Naib Canselor UPM, Prof. Datuk Dr. Mohd. Fauzi Ramlan ketika melancarkan persidangan tiga hari tersebut yang ditaja oleh Pustaka Prinsip di sebuah hotel terkemuka di Pulau Pinang baru-baru ini.

Beliau berkata, dengan menghimpunkan penyelidik dari seluruh dunia dalam satu persidangan seperti MICOLLAC 2014 yang dianjurkan kali ke-8 ini, ia akan memudahkan para penyelidik untuk menentukan ciri-ciri penemuan bagi penyelidikan baharu.

“Persidangan ini juga menyediakan platform yang diperlukan oleh penyelidik bagi meneroka bidang baharu yang berpotensi dengan membentuk jalinan kerjasama,” katanya.

Negara-negara yang mengambil bahagian ialah Amerika Syarikat, Scotland, Belanda, Arab Saudi, Iran, Iraq, Nigeria, Jepun, Korea Selatan, United Kingdom, Taiwan, India, Thailand, Oman, Indonesia, Singapura, Filipina, Mesir, Kanada dan Malaysia.

Ketua Perhubungan Media dan Komunikasi MICOLLAC 2014, Prof. Madya Dr. Shameem Rafik-Galea berkata, persidangan tersebut mempunyai reputasi sebagai satu persidangan komprehensif yang meliputi bidang bahasa Inggeris, sastera dan budaya.

“Ini adalah satu usaha untuk memperluaskan rangkaian penggunaan bahasa Inggeris, sastera dan budaya di samping memupuk semangat kolegiat di kalangan ahli akademik,” katanya.

MICOLLAC 2014 turut menjadi medan bagi pendidik tempatan dan antarabangsa serta perancang bahasa untuk bertukar pandangan mengenai keberkesanan amalan pengajaran yang digunakan pada masa lalu dan sekarang serta perkara berkaitan dengan perkembangan bahasa Inggeris.

Ia juga merupakan platform kepada para peserta untuk berbincang dengan pakar-pakar bahasa Inggeris dari dalam dan luar negara.

Pada persidangan tersebut, Prof Datuk Dr. Mohd. Fauzi turut melancarkan sebuah buku yang ditulis oleh Dr. Arbaayah Ali Termizi.

Buku bertajuk *A Midsummer Night's Dream: Shakespeare Appropriate in 60 Minutes* yang diterbitkan oleh Penerbit UPM adalah panduan mudah dan berguna bagi mereka yang berminat untuk mementaskan karya penulis tersohor itu seperti *Bard's Play*.



DR. Mohd. Fauzi Ramlan (tengah) memukul gendang tanda majlis perasmian MICOLLAC 2014 di Pulau Pinang, baru-baru ini.